




6







Toan from Country Lib

OCT 31 1989

赤水玄珠第三卷目錄

頭痛門

附頭風

眉稜眶痛

雷頭風

頭頭病

風屑

頭重

面門

頰車病

目門

鼻門

耳門

口門

唇

舌門



齒門

咽喉門

喉痺

梅核氣

赤水玄珠第三卷

頭痛

新安生生子孫一奎著輯



生生子曰。頭為諸陽之首。至清至高之處也。苟外
 無風寒霧露之觸。內無痰火濕熱之薰。必無痛
 也。既有內外之因。當循內外之治。
 凡頭痛當分三陰三陽。諸血虛頭痛當歸川芎
 主之。諸氣虛頭痛人參黃芪主之。兼見何症
 以佐使之藥濟之。此立方之大法也。血氣俱

虛於調中益氣湯加川芎蔓荊子細辛其効如
神。濕厥頭痛清空膏主之。諸厥逆頭痛羌
活附子湯主之。濕熱在頭者以苦吐之。世
有真頭痛旦發夕死夕發旦死原其受病乃氣
血虛極以致風寒暑濕之氣得以犯之名曰厥
頭痛痛引腦巔陷於泥丸宮中非藥所能愈蓋
其根本先絕也。丹溪曰頭痛多主於痰痛甚
者火也有可吐者亦有可下者。東垣曰經云
風生於春病在肝俞在頸項故春氣者病在
頭又諸陽會於頭面如是太陽經之脉起於目
內眥上額交巔直入絡腦還出別下項病衝痛
又足少陽之脉起於目銳眥上抵頭角病則頭
角額痛夫風從上受之風寒傷上邪從外入客
于經絡令人振寒頭痛身重惡寒治在風池風
有調其陰陽不足則補有餘則瀉汗之則愈此
傷寒頭痛也。如氣上不下頭痛巔疾者下虛
上實也過在足少陰巨陽甚則入腎寒濕頭痛
也。有厥逆頭痛者所犯大寒內至骨髓以

腦為主腦逆故令頭痛齒亦痛 有心煩頭痛者病在膈中過在手巨陽少陰乃濕熱頭痛也 凡頭痛皆以風藥治之者揔其大體言之也 高巖之上惟風可到或味之薄者陰中之陽自地升天者也然亦有三陰三陽之異 太陽經頭痛惡風寒脉浮緊川芎獨活之類主之 少陽經頭痛脉弦細徃來寒熱柴胡黃芩主之 陽明經頭痛自汗發熱不惡寒脉浮緩長實者升麻葛根石膏白芷主之 太陰經頭痛必有痰體重或腹痛為痰癖脉沉緩者蒼朮半夏南星主之 少陰經頭痛三陰三陽經不流行而足寒氣逆為寒厥其脉沉細麻黃附子細辛湯主之 厥陰經頭疼項痛或吐痰沫冷厥其脉浮緩吳茱萸湯主之

丹溪云勞役下虛之人似傷寒發熱汗出兩太陽作痛宜補中益氣湯多加川歸川芎甚者加知母蔓荊子 又云白魚尾上攻而痛屬血虛川芎川歸酒黃栢諸經氣滯亦能作痛

王節齋曰久頭痛病畧感風寒便發寒月須重綿厚帕包裹者此屬鬱熱本熱而標寒世人不識率用辛溫解散之藥暫時得效誤認為寒殊不知因其本有鬱熱毛竅常踈故風寒易入外寒束其內熱閉逆而為痛辛熱之藥雖能開通閉逆散其標之寒邪然以熱濟熱病本益深惡寒愈甚矣唯當瀉火涼血為主而佐以辛溫散表之劑以從其標則病可愈而根可除也

郭茂恂之婦產七日不食始言頭痛頭痛已又心痛作既而目睛痛如割如刺更作更止相去無瞬息間每頭痛甚欲取大石壓之良久漸定心痛作則以十指抓壁血流滿掌痛定目復痛又以兩手自剜取之如是十日不已衆醫無計進黑龍丹半粒疾少間中夜再服之服即下瞑目寢如平昔至平旦下一行約三升許如蝗蟲子三疾減半已刻又行如前則頓愈矣

頭重

東垣紅豈散治頭重極佳

方見雷頭風門

秘方茶調散 風熱上攻頭目昏痛及頭風熱痛

不可忍

片苓 二兩酒拌炒三 小川芎 一兩 細芽茶 三錢

白芷 五錢 薄荷 三錢 荆芥穗 四錢 頭巵及腦痛

加細辛 藁本 蔓荊子 各三錢

右為細末每服二三錢用茶清調下

頭風

丹溪云屬痰者多有熱有風有血虛 在左屬風

薄荷 荆芥 血虛 川芎 當歸 在右屬痰 蒼朮半

夏熱則酒苓為主

冲和膏 偏正頭風腫痛并眼痛者塗上立止如

神 紫荊皮 炒五兩 獨活 去節炒三兩 赤芍 炒二兩 白芷

一兩 菖蒲 一兩 右為末 葱頭煎濃湯調塗藥到痛止

又方 酒苓 一兩 蒼朮 羌活 防風 各五錢 細辛 二錢

蒼耳 三錢 右為末每服三錢 生姜一大片同搗

均茶湯盪起服之

又方 酒苓 五錢 蒼朮 二錢 羌活 蒼耳 川芎

甘草 生酒黃連 各半錢 半夏 麩 三錢

右為末服法同前

頭痒風屑髮黃 用大黃酒浸炒為末茶調服

川芎散 偏頭痛頭風神効

甘菊 石膏 川芎 各三錢 為末每服一錢茶

清調下一方有白姜蚕六錢生用

經驗方 頭風頭痛

藿香 防風 各二兩 辰砂 薄荷 各一兩 天麻

白朮 白附子 白芷 各一兩五錢

右為末糊丸梧子大每服三十丸白湯下

菊花茶調散 諸風頭目昏重偏正頭風鼻塞

菊花 川芎 荆芥穗 羌活 甘草 白芷

各二兩 各一兩 各五錢 細辛 防風 洗淨 蟬蛻 姜蚕 薄荷

右為末每服二錢食後用茶清調下

有一婦人患偏頭痛 一邊鼻塞不聞香臭常流清

涕或作臭氣一陣服遍治頭痛藥如芎蝎皆不

効人無識此病者或曰腦癰偶有善醫云但服

局方芎犀丸不十數服忽作嚏涕突出一錠稠

膿其疾自愈 方見鼻淵

秘方

貼頭風熱痛

大黃

朴硝

各等分

右為末并底坭和捏作餅貼兩太陽穴神效
否則防壞目

祛風清上丸 風熱上攻眉稜骨痛

酒苓二錢 白芷一錢 防風一錢 柴胡一錢 荆芥八分 川芎一分

一分 羌活一錢 甘草五分 二鍾煎八分食後服

芎辛導痰湯 痰厥頭痛

川芎 細辛 白芷 半夏二錢 陳皮 茯苓

片苓酒炒各一分 甘草五分 如挾風熱甚

者加石羔三錢菊花一錢水二鍾姜三片煎至
八分食後服

清空膏 偏正頭痛年深及療風濕熱痛上壅損

目及腦痛年深不止

羌活 防風各一兩 柴胡七錢 川芎五錢 甘草炙一兩半

黃連炒一兩 黃芩三兩 右為細末每服

二錢熱盞內入茶少許湯調如膏抹在口內少

用白湯送下臨卧服如苦頭痛每服中加細辛

二錢如太陰脉緩有痰名曰痰厥頭痛加羌活

防風川芎甘草又加半夏一兩半如偏正頭痛服之不愈減羌活防風川芎一半加柴胡一倍如發熱惡熱而渴正陽明頭痛只與白虎湯加白芷

小清空膏 諸般頭痛惟血虛頭痛不治用片芩細切酒拌晒乾為末茶清調下酒亦可

補氣湯 服前藥之後服此藥

黃耆八兩 甘草炙 當歸身各二錢 柴胡 升麻各二分

細辛少許 麻黃炒 苦丁香各五分 水煎服

安神湯 頭旋眼黑頭痛

羌活一兩 防風二錢 柴胡五錢 酒黃柏一兩 酒知母

酒生地 升麻各五錢 黃耆二兩 甘草半生半熟四錢

右咀咬每服半兩水二大盞煎至一盞半加

蔓荊子五分川芎三分再煎至一盞臨卧時

去渣熱服

右東垣丹溪治虛熱頭痛大率皆以酒芩酒連酒

相加風劑也

川芎散 頭風偏正頭風昏眩

川芎 細辛 羌活 槐花 甘草 香附

石羔 灸各五錢 荆芥 薄荷 菊花 防風 茵陳

各一兩 右為細末每服二錢食後茶清調下日服三

石羔散 頭痛不可忍

麻黃 去根節 石羔 各一兩 何首烏 五分 葛根 七錢半

右為細末每服三錢生姜三片水煎稍熱服

又方亦名石羔散 頭痛

川芎 石羔 白芷 各等分

右為細末每服四錢熱茶清調下

荆芥散 治頭風 聖方 荆芥 石羔 各等分

右為細末每服二錢姜二片葱白三寸連鬚

便水一盞煎七分食後服

玉真丸 寒濕為多腎氣不足氣逆上行頭疼不

可忍謂之腎厥其脉舉之則弦按之則堅

硫黃 二兩 石膏 半夏湯洗 硝 研各二兩

俱為細末研勻生姜糊為丸梧子大陰乾每

服二十九丸姜湯或米飲下更灸關元百壯良

方中黃丸子亦佳虛寒甚者去石羔用鍾乳

粉一兩

玉壺丸 風濕頭痛亦作痰患

半夏 南星 大麻 為末白麵丸服二錢

姜蚕散 偏正頭痛併夾腦風連兩太陽頭痛

白姜蚕為末用芫心茶調服

乳香盞落散 男子婦人偏正頭痛不可忍大有

神効此風盛疎散而痛宜酸以收之

御米殼去蒂 陳皮 甘草 桔梗去芦 柴胡各一兩

右為細末每服一錢水一鍾入燈心十莖長

四指同煎七分服

治時氣頭痛不止 用朴硝二兩為末生油調塗

於頂上

治頭內如虫蛀響名天白蟻用茶子細末吹鼻中

如聖散 眼目偏痛頭風

麻黃燒灰 盆硝二錢 射香 腦子各少許

右為細末搗之神効

治頭風餅子 五靈子 全蝎 土狗介

右為末醋糊如錢大餅子發時再用醋潤

透貼太陽穴三灸熱貼之驗甚仍用帕子縛之吸濃茶睡覺則愈

一奇散 產後頭痛 用當歸川芎為細末每服二錢水一盞煎七分溫服

治產後身熱頭痛肚痛

陳皮 白朮 白芍 黃芩 川芎 一錢

乾姜 牡丹 反 甘草 各一錢 荆芥 五分

分四帖煎服

芎附散 產後血作梗頭痛諸藥不効

大附子一枚 醞醋一碗用火四畔灸透 蘸醋令

盡去皮臍加川芎一兩並為細末每服一錢茶

清調下

東垣曰濕熱在頭而頭痛者必以苦吐之若用上

項搗鼻藥而涎少者必兼吐法治之

邪在胃而頭痛者必下之其症必兼膈痞或動作

則痛甚或右手脉滑盛者是也

新沐中風為首風頭面多汗惡風當先風一日則

病甚至其風日則少愈大川芎丸主之

風氣循風府而主則為腦風項背怯寒腦戶極冷
神聖散主之

大川芎丸 首風旋暈弦急外合陽氣風寒相搏
胃膈痰飲偏正頭疼身體拘倦

川芎一兩 天麻四兩 為末煉蜜丸每兩作十丸

每服一丸細嚼茶酒下食後服

神聖散 腦風邪氣留飲不散項背怯寒頭痛不
可忍者

麻黃去節 細辛去苗 乾葛生一 藿香葉各等分

右為末每服二錢煮荊芥薄荷酒調下茶亦
得併治血風症

大全黑龍丹 產後寒凝血滯或胞衣不下或汚
血奔心危急惡疾垂死者但灌藥入口便活妙

通神聖 當歸 五靈脂 川芎 良姜 熟

地各三兩 右研末入罐盪泥固濟抵口炭十觔

煨令通赤冷定取開看成黑糟色細研入後藥

百草霜五錢 硫黃 乳香各一兩 花蕊石 琥珀各三錢

右五味為末并前和勻丸如芡實大每服一丸

雷頭風

俗名非古也

張子和曰雷頭風者結核塊於頭上而作痛者是也。可用茶調散吐之。次用神芎丸下之。然後服烏荊丸及愈風餅子之類。消風散熱是其治也。如涼膈散之類。

又云雷頭風是頭上有赤腫結核。或如酸棗狀。可用排針出血。則愈矣。

生生子曰所謂雷頭風者。必是痰結核塊。或先暗有於頭上。然後隨遇而發。或勞後。或酒色。或食

燻灸動風發毒之物。感而發之。或紅或腫而痛。作矣。急則治其標。針而血出。風散火滅。痛自減去。或有之也。若先無結塊。痰核卒然發。寒熱而腫痛者。乃風毒也。不可不察。

茶調散

又名二仙散

瓜蒂

茶葉

為末。每服二錢。薑汁調服。乃取吐藥也。

神芎散 實者下之。是也。能去膈上滯痰。

大黃

黃芩

各二兩

牽牛

活石

各四兩

為細末。滴水為丸。如小豆大。溫水下十五丸。每

服加十丸以利為度日三服

愈風餅子

川烏 川芎 甘菊 白芷 薄荷 防風

細辛 天麻 羌活 荆芥 甘草 各等分

為細末水浸蒸餅為劑捏作餅子每服三五餅
細嚼茶酒送下不拘時候

保命集云夫治雷頭風諸藥不効者為與症不相
對也蓋雷頭風者震卦主之震仰盂故予製藥
內加荷葉者象震之形其色又青乃述類象形

當煎局方中升麻湯主之治頭面疙瘩增寒拘
急發熱狀如傷寒 升麻 蒼朮 薄荷

為細末每服五錢水一鍾煎七分溫服食後
或燒全荷葉一個研細調藥服之

生生子曰按二公方論俱以結核疙瘩而用風藥
論治且指震為雷為譬固美矣恐猶未盡善也
夫此病未有不因於痰火者蓋痰生熱、生風
故也核塊疙瘩皆有形可徵痰火上升壅於氣
道兼於風化則自然有聲輕則或如蟬之鳴重

則或如雷之響故以聲如雷而為名也或以其
發如雷之迅速也設如前論盡作風熱治之恐
認標而忘其本也予故附痰火一方于後以俟
明哲評之
白姜蚕錢五粉草錢二半夏牙皂姜汁
煮一兩
連喬錢五片苓酒七錢陳皮去白
鹽煮桔梗各五錢大黃酒
蒸
薄荷葉錢三白芷錢二天麻酒五錢青礞石錢二
俱為細末水浸餗餅為丸如綠荳大食後臨卧
茶吞二錢以痰利為度然後用清痰降火煎藥

調理

紅荳散 頭重如山此濕氣在頭也

麻黃根炒苦丁香

各五分

紅豆

十粒

羌活

燒

連喬

各

錢右五味為細末鼻內搐之

頭風脅肝經風盛也大便實瀉青丸主之虛則消
風散主之

消風散 諸風上攻頭目昏痛項背拘急肢體煩
痛肌肉蠕動目眩旋運耳簫蟬鳴眼澁好睡鼻
塞多嚏皮膚頑麻燥痒癢疹又治婦人血風頭
皮腫痒眉骨疼旋欬倒痰逆惡心

川芎 羌活 人參 茯苓 白姜蚕 藿香

荆芥 甘草 蝉殼去土各二兩 厚朴製姜 陳皮去白各五錢

防風 右為細末每服二錢茶清調下如久病

偏頭風每日三服便覺輕減如脫着沐浴暴感

風寒頭痛身重寒熱倦疼用荆芥茶清調下半

盞不拘服之小兒虛風目澁昏倦及急慢驚風

用乳香荆芥湯治風屑極燥痒無時此乃氣虛

風邪侵於皮表用藜蘆不拘多少為末先于無

風處洗頭候將乾時用末摻之須用入髮至皮

乃緊縛之一日夜次日即不燥痒如尚有些少

可再用一次立効

頭上白屑極多山荳根油浸塗或以乳汁調

又方 白芷 零零香 各等分 為末如前法用之

候三五日篋去敷二三次終始不生

大頭病 頭痛腫大如斗是也大率多是天行時疫病

泰和年東垣以監細濟源稅時長夏多疫癘初覺

增寒體重次傳而目腫盛目不能開上喘咽喉

不利舌乾口燥俗云大頭天行親戚不相訪問

如染之多不救張縣丞亦得此症至五六日醫
以承氣湯加板藍根下之稍緩翼日其病如故
下之又緩終莫能愈漸至危篤或曰李明之存
心於醫可以請治遂命診視具說其由曰夫身
半已上天之氣也身半已下地之氣也此雖邪
熱客於心肺之間上攻頭而為腫盛以承氣下
之瀉胃中之實熱是誅罰無過殊不知適其病
所為故遂處方用黃連黃芩味苦寒瀉心肺間
熱以為君橘紅玄參苦寒生甘草甘寒瀉火補

氣以為臣連喬鼠粘子薄荷葉苦辛平板藍根
味甘寒馬屁勃白姜蚕味苦平散腫消毒定喘
以為佐新升麻柴胡苦平行少陽陽明二經不
得伸桔梗味辛溫為舟楫不令下行共為細末
用湯調時時服之拌蜜為丸噙化之服盡良愈
因歎曰往者不可追來者猶可及凡他所有是
病者皆書方以貼之全治甚衆

普濟消毒飲

黃芩

黃連

各五錢

人參

三錢

橘紅

玄參

各二錢

連喬 鼠粘子 板藍根 馬屁勃錢各一 甘草

生柴胡 桔梗錢各二 白姜炒 升麻錢各一

為細末服如前法或加防風薄荷當歸身川芎
每服五錢水煎食後時時熱服如大便硬加酒
煨大黃一錢以利之腫熱甚者宜砭刺之

生生子曰觀消毒飲以普濟二字為命名之首書
告四方使人人得濟壽域者君子之存心也乃
今時之醫偶獲一未穩之方就括囊緘口自秘
終身為徼利之計視此普濟消毒飲寧不自愧

於心乎

大頭病者雖在身半以上熱伏于經以感天地四

時非節瘟疫之氣所着以成至于潰裂膿出而

又染他人所以謂之疫癘也大抵足陽明甚則

逆傳視其腫勢在何部分隨其經而取之濕熱

為腫火盛為痛此邪發於首多在兩耳前後所

先見出者為主為根治之宜早藥不宜速恐過

其病所謂上熱未除中寒已作有傷人命矣此

疾是自內而之外者是為血病况頭部分受邪

見於無形之處至高之分當先緩而後急先緩者謂邪氣在上着無形之部分既着無形所傳無定若用重劑大瀉之則其邪不去反過其病矣雖用緩藥若又急服之或食前或頓服或失緩體則藥不能除病矣當徐徐清無形之邪或藥性氣味形體擬象服餌皆須不離緩體及寒藥或酒炒浸之類是也後急者謂前緩劑已經高分瀉邪氣入於中是到陰部染於有形質之所若不速去反損陰也此却為客邪當急去之

是治客以急且治主當緩者謂陽邪在上陰邪在下各為本家病也若急治之不惟不能解其紛而反致其亂矣此所以治主當緩也治客當急者謂陽分受陽邪陰分受陰邪主也陰分受陽邪陽分受陰邪客也凡所謂客者當急去之此治客以急也假令少陽之明之為病少陽者諸邪出於耳前後也陽明者首面大腫也先以黃芩黃連甘草通炒過剉煎少不住服呷之或服畢再用大黃或酒浸或煨又以鼠粘子新

瓦上炒香咬咀煎去渣內芒硝各等分亦細細
 呷之當食後用徐得微利又邪氣已只服前藥
 如不已再服後藥依前次第用之取大便利邪
 已則止如陽明渴者加石膏少陽渴者加瓜蒌
 根陽明行經加升麻葛根芍藥之類大陽行經
 加羌活防風荆芥之類選而加之並與上藥均
 合不可獨用散也

黑白散 大頭病如神

烏黑蛇酒浸 白花蛇去頭尾酒浸 雄黃二兩 煨五錢

為細末每服一二錢白湯調下

治疫毒頭重者甘桔湯加鼠粘子大黃芒硝

大頭天行病 羌活 酒芩 酒蒸大黃

大頭風用井底泥調大黃芒硝塗之

又方治大頭疫如神 貫衆三錢 葛根二錢 甘草一錢半

白姜蚕炒一錢 水煎服極佳加黑豈三錢尤妙

面門

靈樞經曰面熱者足陽明病十二經脉三百六十
 五絡其血氣皆上於面而走空竅其精陽氣上

走於目而為睛其別氣走於耳而為聽其宗氣
上出鼻而為臭其濁出於胃走唇舌而為味其
氣之津液皆上薰於面而皮又厚其肉堅故天
熱甚寒不能勝之也

青紅黃白黑五色以應五臟是以外候驗內症也
東垣曰飲食不節則胃病胃病則氣短精神少而
生大熱有時而火上獨燎其面

丹溪曰面熱因胃熱有鬱火面寒因胃虛
咳逆停息不得臥面熱如醉此為胃熱上冲薰其

面以茯苓桂枝甘草五味湯加大黃利之

羅氏治楊郎中之內五十一歲身體肥盛已酉春
患頭目昏悶面赤熱多服清上藥不效請治診
其脉洪大而有力量內經云面熱者足陽明病脉
經云陽明經氣盛有餘則身已前皆熱况其人
素膏粱積熱於胃陽明經多血多氣本實則風
熱上行諸陽皆會於頭目故面熱之病生矣先
以調胃承氣湯七錢加黃連三錢犀角一錢疎
下三兩行徹其本熱次以升麻加黃連湯去經

絡中風熱上行如此則標本之邪俱退矣
升麻加黃連湯

升麻 葛根 各一錢 白芷 七分 甘草 炙 白芍 各五分

酒黃連 四分 生犀角 末 川芎 荆芥穗 薄荷 各三分

分 用水半盞先浸川芎荆芥穗薄荷外部作一

服水二盞煎一盞入先浸三味同煎至七分

食後溫服數服愈 忌酒麵五辛物

面寒尼長老六十歲躄瘦弱十月間病頭面惡寒

不敢當風行諸治不効脉短細而微且年高向

素食日惟茶菓而已陽明之經本虛脉經云氣

不足則身已前皆寒慄又加看誦損氣由此胃

氣虛經絡之氣亦虛不能上榮頭面故惡風寒

先以附子理中丸溫其中氣次以升麻湯加附

子主之 升麻 葛根 白芷 黃芪 附子

炮各七分 甘草 炙 人參 草薹 各五分 益智仁 三分

水一鍾半連鬚葱頭二莖煎至一鍾溫服數

服良愈

升麻湯辨 或曰升麻加黃連湯治面熱升麻加

附子湯治面寒有何依據答曰出自仲景雲岐
子註傷寒論中辨葛根湯云尺寸俱長者陽明
受病也當二三日發以其脉夾鼻絡於目故身
熱目疼鼻乾不得眠此陽明經受病也始於鼻
交頰甲從頭至足行身之前為表之裏陽明經
標熱本實從標脉浮而長從本脉沉而實陽明
為病蒸蒸而熱不惡寒身熱為標病陽明本實
者胃中燥鼻乾目痛為本病陽明為肌肉之本
禁不可發汗在本者不禁下發之則變黃症太

陽主表營衛是也營衛之下肌肉屬陽明二陽
并病葛根湯主之衛者桂枝營者麻黃營衛之
中桂枝麻黃各半湯主之營衛之下肌肉之分
者葛根湯主之又名解肌湯故陽明為肌肉之
本非專於發汗止汗之治桂枝麻黃兩方互併
為一方加葛根者便作葛根湯故營衛肌肉之
次也桂枝芍藥生姜甘草大棗止汗有麻黃桂
枝甘草發汗葛根味薄獨加一味者非發汗止
汗也從葛根以解肌故名葛根湯錢仲陽制升

麻湯治傷寒瘟疫風熱壯熱頭痛肢體痛瘡疹
 已發未發用葛根為君升麻為佐甘草芍藥安
 其中氣朱奉議作法人書將升麻列作陽明經
 解藥予於楊氏婦陽明經標本俱實先攻其裏
 後瀉經絡中風熱故用升麻湯加黃連以寒治
 熱也尼長老陽明經標本俱虛先實其裏次行
 經絡故用升麻湯加附子以熱治寒也仲景乃
 群方之祖信哉
 面上有熱毒惡瘡治以栢連散

胡粉 黃栢炙

黃連各等分

右為末面脂調敷猪脂亦好

面上肺風瘡 以無灰酒濃磨鹿角尖敷之
 指爪爬破面皮

生姜自然汁調輕粉敷破處更無痕

玉容散 面上黑點雀斑

甘松 三柰 茅香各五錢 白芷 白姜蚕

白芨 白蘞 白附子各一錢 天花粉各一兩 防風

藿本 零陵香各三錢 肥皂二個 菘豆粉一兩

為極細末每洗面用之

秘方 面上雀斑

櫻桃枝 紫背浮萍 白梅肉 猪牙皂角

等分焙乾為末每洗面時用之七八日後其斑

皆沒神効 一方加鷹屎少許尤妙服藥在後

防風通聖散 風熱上攻面熱

胃風湯 虛風症能食麻木牙關急搐目睨動胃

中有風熱攻面故面獨腫

白芷 一錢二分 升麻 一錢五分 葛根 一錢五分 蒼朮 各八分 甘草 三分

柴胡 藁本 羌活 黃柏 各五分 草薺 五分

雙荊子 二分 麻黃 八分 白姜蚕 三分 川歸 乙錢五分

水二鍾煎八分食遠服

丹溪治一婦人面赤兩腮熱腫膈壅之病也

乾葛 桔梗 一錢 升麻 一錢 蘇葉 半錢 薄荷 一錢

甘草 分七 姜一片水煎食後服

一人登廁被臭氣薰觸隱忍良久明日滿面皆黑

色月餘不散相士斷云不出月外必死至期無

恙拉孫召先生治教以沉核香各一兩剉碎安

爐中燒薰帳內以被蓋定令病者瞑目端坐候
香盡方可出帳次日引鑑照之面上黑色漸散
矣

頰車病

平江陳氏因驚駭後常用手指甲插住兩頰遂兩
頰破損心懊懷不安脉數而實諸藥不愈用活
幼口義牛黃清心涼膈丸數服如失
凡伸欠頰車蹉但齧不能合以酒飲之令大醉睡
中吹皂角末搯二三次嚏透即自止

東垣云咽痛頰腫脉洪大面赤者羗活勝濕湯加
黃芩桔梗甘草各五分如耳鳴目黃頰頰腫頭
肩臄肘臂外後廉痛面赤脉洪大者以羗活防
風甘草藁本通其經血加黃連黃芩消其腫以
人參黃耆益其元氣而瀉其火邪

丹溪治兩腮腫用細辛草烏等分為末入蚌粉以
猪脂調敷口含白梅置腮邊良久腫退出涎患
立消矣消時腫必先向下

濟世方 治疔腮

車前草

栝子仁

竹葉

杵碎熱敷患處

腮腫 用赤小豆醋調敷之

千金方 卒中風頭腫杵杏仁如膏敷之

又方 疔腮如神

鷄子清調赤苳末及喉下諸般腫痛用蝸牛飛
麵研勻貼腫處

目門

生生子曰治目有專門以其點藥精妙及動針手

法慣熟外此不過一理耳經曰目得血而能視
是血不可以不養也又曰目者神之主是神不
可以不安也又曰目者腎之竅是腎不可以不
秘也又曰東方青色入通於肝開竅於目藏精
於肝肝和則目能辨五色也又曰心合脉諸脉
皆貫於目

東垣曰夫五臟六腑之脉皆稟受於脾土而上貫
於目脾者諸陰之首也目者血氣之宗也故脾
虛則五臟之精氣皆失所司不能歸明於目矣

可見五臟之精華皆輸於目而見於外足以驗
夫臟腑之根於內者標本之虛實矣

經云瞳子黑眼法於陰白眼赤脉法於陽故陰陽
合傳於精明此則眼具陰陽也又曰五臟六腑
之精氣皆上注於目而為之精精之窠為眼骨
之精為瞳子筋之精為黑眼血之精為絡其窠
氣之精為白眼肌肉之精為約束裹擷筋骨氣
血之精而與脈并為系上屬於腦後出於項中
此眼具五臟六腑也後世以內外背屬心上下

兩臉屬脾白眼屬肺黑眼屬肝瞳人屬腎謂之
五輪蓋本諸此也又有八廓之說無義無據今
不得刪入焉

陽主散陽虛則眼楞急而為倒睫拳毛陰主斂陰
虛則瞳子散大而為目昏眼花

保命集云在腑為表當除風散熱在臟為裏當養
血安神如暴失明昏澁翳膜眵淚班入眼皆表
也風熱也宜表散以去之如昏弱不欲視物內
瞳見黑花瞳散皆裏也血少神勞腎虛也宜養

血補水安神以調之除風散熱者瀉青丸主之
養血安神者定志丸主之婦人地黄丸主之或
有體肥氣盛風熱上行目昏澁者槐子散主之
此由胃中濁氣上行也重則為痰厥亦能損目
若常使胃中氣清自無此病也又有因目疾服
涼藥多氣因損者久之眼漸昏弱乍明乍暗不
能視物此則失血驗也地黄丸消氣定志丸相
須而養之視物不明見黑花者腎氣弱也駐景
丸主之或有暴失明者謂眼居諸陽交之會也

而陰反閉之此風邪內滿當有不測之患也
目閉不開者足太陽之脈為目上綱足陽明之脈
為目下綱平則約束熱則筋縱故目不能為
開也

治風熱之劑

本事方 睛痛難忍者

川歸 防風 細辛 薄荷 各等分 每服二錢

麥門冬湯調下食後日午及夜各一服

菊花散 肝腎風毒氣上衝眼疼

甘菊花

芍药

大力子

炒各一兩

甘草

五錢

為細末每服二錢

槐子散

體肥氣盛風熱上行目昏澁

槐子

黃芩

木賊

蒼朮

各等分

為細末食後茶調下

川芎散

風熱目眩熱腫胷中不利

川芎

槐子

各一兩

為末氣滯下利姜湯調服

疾茶清調熱上攻水煎服

潔古方治赤暴發腫散熱飲子

防風 羌活

黃芩

各一兩

黃連

一兩

每服五錢

水二盞煎溫服如大便秘加大黃一兩如痞

甚加川歸地黃煩躁不得卧加梔子一兩

洗肝散 風毒上攻赤目腫痛難開癰澁眵淚

薄荷葉

川歸

防風

羌活

甘草

炙

梔子

大黃

川芎

各等分

為末每服二錢熱水調服

養血和血疎風之劑

龍胆湯

目暴赤雲翳疼痛不可忍者

四物湯 各五錢

羌活

防風 各三錢

龍胆草

防已 各二錢

益氣聰明湯 飲食不節勞傷形體脾胃不足內

障耳鳴或多年視物昏暗令目廣大久服無

障耳鳴耳聾之患又令精神倍常飲食加

體輕健耳目聰明

黃耆 錢五 甘草 錢六 人參 錢五 葛根 錢三 升麻 錢三 白

黃柏 酒洗四次 蔓荊子 半錢 每服五錢

煎卧時熱服五更再煎服之得睡更妙如煩亂

或有熱春月漸加黃柏夏月倍之如脾胃弱去

之熱減少用但有熱或麻木或上壅頭目三兩

服後其熱皆除又治老人腰以下沉重疼痛

藥久服治人上身反有精神兩足輕浮不知

下空心服之少加黃柏輕浮自減小兒減服

則壅滿若治倒睫去黃柏為藥忌烟火酸物

地黃丸 眼小昏澁因發而久不能瘥

防風 羌活 當歸 地黃 人參 茯苓

黃芩 黃連 各等分 每服五七錢水煎溫服

東垣助陽和血補氣湯 眼赤熱壅白睛紅眵淚
不疼痛惟隱澁難開此服寒藥太過而真氣不
能通九竅也故眼昏不明

防風分七 黃耆錢一 甘草炙 蔓荊子分五 歸身分五 白芷

分二 柴胡 升麻分各七 水鍾半煎一鍾臨卧時

服避風及忌食冷物

補氣血之劑

丹溪方 治勞力後兩眼上星右眼獨昏此熱傷

血也 白朮 當歸 生地 木通 黃連酒

黃芩酒浸 黃柏炒各 甘草炙四

分三帖水煎服大熱加白芍藥

倒睫拳毛其毛入眼中央是也

防風飲子

黃連炒 甘草炙 人參各一 歸身錢一 葛根

防風分各五 細辛葉 蔓荊子分各三

水煎臨卧温服

連喬飲子 目中溜火惡日與火隱澁小角偏眇

久視昏花迎風有淚

蔓荆子 甘草 連喬 人參 紅葵花

生地 當歸身各三錢 酒苓 防風 羌活

黃芪各五分 升麻一錢 柴胡二分 水煎稍熱服前

方治倒睫拳毛此方治眼楞緊急縮小者即

睫拳毛之漸也蓋陽虛則眼楞緊急陰虛則

子散大改東垣治眼楞緊用參耆補氣為君

以辛味疎散之而忌芍藥五味之酸收也

瞳子散大用地黃補血為君佐以酸味收斂

而忌荒蔚子青葙子之辛散一開一闔大

庭矣

外障

經云目痛赤脉從上下者太陽病從下上者陽

病從外走內者少陽病凡赤脉翳初從上而

者屬太陽以其主表其病必連自接骨痛或

項痛或半邊頭腫治法宜溫之散之如簡要

枯草散東垣選奇湯之類

簡要夏枯草散 目珠痛至夜則痛甚或用苦

眼藥點上反疼甚者神効蓋目珠者連日本

系屬厥陰經夜疼甚及苦寒點之反甚者夜與
寒皆陰故也丹溪謂夏枯草稟純陽之氣故治
厥陰目疼如神又治眉稜骨痛目翳從上下者
累効治翳必與退雲丸相兼服尤妙

夏枯草 香附子 各二兩 甘草 四錢 右為細末

每服一錢五分茶清調下總下咽即痛減

東垣選奇湯 眉稜骨痛目翳從上下者尤妙

防風 羌活 各三分 甘草 三錢 夏酒 一錢 冬不

及熱痛加之 分作三服水煎食後稍熱服當徐服之

羊肝丸 目翳從下上者從內皆出外者神効又

補肝氣虛弱 羯羊肝 一具新瓦盆中燻了焙

甘菊 羌活 栝子仁 細辛 官桂 白朮

黃連 半一兩 五味子 五錢

煉蜜為丸桐子大空心溫湯下三十丸

東垣神仙退雲丸 一切翳暈內外脹昏無睛者

累効又治翳從外皆入內此為少陽主於半表

裏也宜和解之此方神妙

川芎 川歸 各一兩半 犀角 酒洗 枳實 川練子

三卷
三十四
蟬腿 各六錢 薄荷葉 不見火 瓜萎仁 生者各六錢

蛇蠍 蜜蒙花 荆芥穗 各二錢 此三味與甘草

同焙乾去甘草不用 地骨皮 白芍藥 炒之二

羌活 生地 酒洗焙乾 各一錢 木賊 一兩半去節童便浸一夜焙乾

為細末煉蜜丸每一兩分作十丸米湯調服

日進二三丸食後服婦人當歸湯有氣者木

香湯下在人消息之

內障

內障者在睛裏昏暗與無患之人相似惟

有隱々青白者無隱々青白者亦有之

人卒然目無精光者此陽氣大虛也丹溪治一人

目忽不見物他無所苦起坐飲食如故此氣虛

也急煎人參膏與之服二日目方見他醫與青

礪石藥予曰今夜死矣已而果然 又一人生

平好飲熱酒忽目暝脉澁此因熱酒所傷胃氣

汚濁之血死在其中而然也遂以蘇木作湯調

人參膏與之服二日鼻內及手掌皆紫黑余曰

此病退矣滯血已行乃與四物加蘇木桃仁紅

花陳皮煎調人參末服數日而愈 又一男子
五十五歲九月間早起忽開目無光視物不
急就眠片時却能見人竟不能辨其何人何
飲食減半神息極倦脉之緩大四至之上重
則散而無力余作受濕治詢之果因卧湿地
半箇月遂得此症用白朮為君黃芪茯苓陳
為臣附子為佐十餘帖而愈 右三方治目
明皆為陽虛氣脫而用補氣之藥追回者也
云 上焦開發宣五谷味董膚充身澤毛若霧

之溉是謂氣又曰五氣入鼻藏於心肺上使
色脩明聲音能彰今氣既脫宜乎目之不明也
東垣人參補胃湯 勞役飲食不節內障神効

黃耆 人參 各一兩 甘草 錢八 蔓荊子 錢二 白芍

黃柏 三錢酒炒四次 每服五錢水一大盞煎

七分稍熱服三五服兩眼廣大視物如常惟
覺兩脚踏地不知高下火體升發故也病
住服七日再服此藥宜春間服之

補陰血之劑

復明散 治內障

黃芪 半一錢

川芎 分五

柴胡

連翹

甘草

生地 錢各一

歸身 錢二

蒼朮 分五

陳皮 分五

黃柏

水二鍾煎至一鍾食後稍熱服忌濕麵及

辛熱之物

熟地黃丸

血弱氣虛不能養心致火旺於上

瞳子散大風熱上攻頭目遍頭腫悶視物昏

法當養血涼血收斂散火而風熱自除至

地黃 兩一 歸身 錢五 柴胡 錢八 天門冬 地骨皮

五味子

黃連

錢各三

生地

酒洗

黃芩

錢五 枳殼

人參 甘草

錢各二

煉蜜丸如菘荳大每服二

丸茶湯下食後服日服二次大忌辛辣物而

助火又忌寒涼物以損胃氣則藥不上行

瞳子散大亦有因食辛熱及燻灸助火之物積於

胃中火旺則精散則視物亦大矣

益陰腎氣丸 此壯水之主以鎮陽光也

山茱萸

茯苓

錢二

五味子

錢五

熟地

兩二 山藥

澤瀉 半二錢

牡丹皮

錢五

生地

酒洗

歸身

錢五

為末蜜丸桐子大硃砂為衣每服五七十九
淡鹽湯送下

寶鑑甘菊丸 男子腎虛眼目昏暗或見黑花常

服明目暖水臟活血駐顏壯筋骨

甘菊花 熟地各二兩 枸杞四兩 山藥五錢

煉蜜丸如梧桐子大每服三四十九空心

後服

百點膏 眼翳遮瞳人視物不明如覺雲氣障蔽

川歸六錢 黃連二錢 水一 碗煎至甘草稍六

防風八分 蕤仁三分 去皮尖 右除蕤仁另研外司

滴入水中不散去渣入好蜜少許再煎少

為度極要病人心靜點之至目微痛為度

日五六次臨卧點之尤妙名百點膏歌頌

之使藥力相續也

寶鑑還睛散 努肉攀睛翳膜昏澁

川芎 龍胆草 草決明 石決明 枳實

野菊花 野麻子 白茯苓 炙甘草 蒺藜

川椒炒去核 仙靈脾 荆芥 木賊 茵陳已上工

為末每服二錢食後茶清調下一日三服已
魚肉及熱麵蕎麥等物一方有楮實子無仙
靈枳實二味

滋陰地黃丸 瞳子散大黃睛視物無的或卒然

見非常之處 熟地一兩 生地一兩 柴胡八錢 天門

冬 甘草 枳殼各三錢 人參 地骨皮各二錢

五味子 黃連各三錢 黃芩 歸身各五錢

蜜丸菘荳大每服百丸溫茶清送下日進二

次此補左腎之藥也

